



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 50. Conscientiæ casus a Rege Hispano Complutensibus Theologis  
propositus.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

§. L.

Sæcul. XVI.

A.C. 1580.

*Conscientiæ casus a Rege Hispano  
Complutensibus Theologis  
propositus.*

Philippus ne Regnum usurpasse, sed *Thuan. l. 69.*  
potius non nisi juxta æquitatis leges  
jura sua tueri crederetur, Compluten-  
sibus Theologis, scilicet Franciscanis,  
& Jesuitis hanc quæstionem discutien-  
dam proposuit. I. An nunc, cum de  
jure suo quoad Regni Lusitani successio-  
nem ex Henrici obitu delatam sibi cer-  
to constaret, præcepto conscientiæ ob-  
stringeretur se submittere alicui tri-  
bunali, quod illi regnum adjudicaret,  
& in ejus possessionem ipsum mitteret.  
II. Quærebat An dein, si Lusitaniæ ordines  
eum in regnum admittere renuerent, ip-  
semet propria auctoritate, antequam in  
jure cum aliis competitoribus re di-  
sceptata contrario judicio prævaleret,  
regni possessionem sumptis contra re-  
sistentes armis apprehendere posset, ad-  
eo, ut hoc facto nullis scrupulis se te-  
neri sentiat. III. Cum Governatores,  
& ceteri Lusitaniæ ordines jurisjurandi  
Religione prohiberi se dicerent, quo mi-  
nus eum in Regem admitterent, eo-  
quod non in jure Regni hæres decla-  
ratus esset, maxime reclamantibus com-  
petitoribus, qui se juris auctoritati of-  
fere-

Pp 2

fere-

Sæcul. XVI. ferebant, hinc insuper quærebat Phi-  
 A.C. 1580 lippus, utrum prætenſum hoc jus-  
 jurandum excusationis loco, quo Re-  
 gem legitimum non reciperent, accipi  
 deberet: ad hæc Theologi prorsus re-  
 sponſa Philippi voto congruentia dabant,  
 hæc asserentes: „Rex nullo conscien-  
 „tiæ vinculo obstringitur, ut se alterius  
 „jurisdictioni, aut arbitrio subiciat;  
 „quippe cum propria auctoritate re-  
 „gnum sibi adjudicare, & possessionem  
 „ejus adipisci possit: nec etiam ullum  
 „se superiorem, minus vero agnoscere  
 „tenetur Judices ab Henrico constitu-  
 „tos, cum certum sit, illorum aucto-  
 „ritatem, si tamen ulla unquam vale-  
 „bant, hujus Regis obitu penitus ex-  
 „spirasse: insuper nullæ hac in re sunt  
 „Pontificis partes, cum de negotio me-  
 „re profano agatur, nec quicquam sub-  
 „sit, ob quod debeat intercedere sacri  
 „fori auctoritas: neque vero quicquam  
 „causæ est, cur se ordinum Lusitanie  
 „judicio submittere teneatur Philippus,  
 „nam electis semel Regibus, in eos, eo-  
 „rumque successores omne jus transla-  
 „tum intelligitur, ut penes ipsos om-  
 „nis sit jurisdictione, nec ab aliis judi-  
 „cari possint: quando igitur constat,  
 „Philippum verum, ac legitimum Re-  
 „gni hæredem esse, & hoc verum esse  
 „probatur, tunc nullius alterius tribu-  
 „nalis

„nalis, præterquam proprii sui, juris-  
 „dictionem subire debet. Præterea  
 „nulla jurisjurandi religione ligantur  
 „Lusitani, quo minus Philippum Re-  
 „gem admitterent, cum ex supra di-  
 „ctis constet, neminem esse vel digni-  
 „tate, vel potestate, ac jure in hac  
 „caussa Philippo superiore, qui ea de  
 „re posset cognoscere.„

Sæcul. XVI.  
 A.C. 1580.

Horum Complutensium Doctorum  
 sententiæ, quæ postea divulgabatur,  
 innixus Philippus Rex armorum quo-  
 que vim adjungere statuit, prius vero  
 Lusitanos monuit, ut ipsum vel tan-  
 quam Regem agnoscerent, vel belli for-  
 tem cum illo tentarent. Postea Alva-  
 rus Bassanus Sanctacrucius Marchio  
 trirremium Præfectus Albæ Ducem ac-  
 cesserat, ut cum eo de futura expe-  
 ditione conferret.

§. LI.

*Antonius Cratensis Prior Scalabi in  
 Regem proclamatus.*

Hoc Philippi responsum ad Conimbri-  
 censem Episcopum, & Emanuelelem  
 de Malo Gubernatorum Deputatos per-  
 ferebatur, inde vero inter utrumque  
 hunc Oratorem dissensio exorta est, quæ  
 tamen haud parum ad hoc conducebat,  
 ut quam plurimi clam Hispaniæ Regi  
 faverent, ac unice infimæ plebis, quæ

Tuan. l. 70.

Pp 3

Hispa-